

- tuebokl:** (*tueb`okl*)  
tuebokl a melubokl; merael er eou,  
okiu a eungel a kerrekar.
- tuecheb:** (*tu`echeb*)  
tuecheb a melecheb; tuecheb a  
belsiich; techebel.
- tuib:** (*tu`ib*)  
tuib a meruul; melib a llach; tibir a  
urreor, tbil.
- tuich:** (*t`uich*)  
tuich a klekedall el meluich; tichel,  
belduchel el dui el omekllomes.
- tuidel:** (*tu`idel*)  
tuidel a kirel metiud; meliud er  
ngii; tiuedii a bobai; tmiud a brak,  
tudel.
- tuiechii:** (*tuiech`ii*)  
tuiechii a meluich er ngii;  
omekllomes.
- tuikm:** (*tu`ikm*)  
tuikm a melikm; mekeek a  
tutungir, sochesech a boes; tuikm  
a ngerir.
- tuirech:** (*tu`irech*)  
tuirech a teteuirech; tuirech a  
cheled.
- tuirem:** (*tu`irem*)  
tuirem a melirem; melarek; tiremii,  
tuirem a belatong, teremel.
- tukakl:** (*tuk`akl*)  
tukakl a melkakl; melisakl,  
tukeklii, tukakl a blai; tkeklel.
- tukedengarech:** (*tukedeng`arech*)  
tukedengarech a kerik; diak el  
delluchel; tukedengarech el belatong.
- tukeklii:** (*tukekl`ii*)  
tukeklii a melkakl er ngii; tkeklel.
- tuketkur:** (*tuketk`ur*)  
tuketkur a melektuk er ngii;  
betok el teluk; delebedebes; tketkul.
- tukidolech:** (*tukid`olech*)  
tukidolech a ta er a bedengel a  
mardingaol.
- tukukall:** (*tukuk`all*)  
tukukall a kirel el metukouk;  
melukouk er ngii; toukukii a  
oreomel; toukouk a rael; tukukel.
- tukukel:** (*tukuk`el*)  
tukukel a omelukouk er ngii; melukouk.
- tukur:** (*tuk`ur*)  
tukur a meluk er ngii; melebes.
- tul:** (*t`ul*)  
tul a tut er ngii el ngalek; tmut.
- tulabubs:** (*tulab`ubs*)  
tulabubs a rekdel a buld el ua  
dechus.
- tulatel:** (*tul`atel*)  
tulatel a mellatel; mitokl el mo  
tellatel; teltelel el bedul eou.
- tulechidakl:** (*tulechid`akl*)  
tulechidakl a tulechoid; meluchel a  
tekoi el mo e mei; ochidii a ngerel  
el omulak; ochoid a klalo; chad er  
a ulechoid; ochidel.
- tulechoid:** (*tulech`oid*)  
tulechoid a tulechidakl.
- tultelii:** (*tultel`ii*)  
tultelii a mellatel er ngii; teltelel.
- tumetmengel:** (*tumetmeng`el*)  
tumetmengel a tumetum er ngii.
- tumetum:** (*tumet`um*)  
tumetum a kelekedall er a  
omengitakl; tumetmengel.
- tungakl:** (*tung`akl*)  
tungakl a tingakl; meluluuch,  
melngakireng.
- tungch:** (*t`ungch*)  
tungch a ta er a bedengel a ngikel.
- tungchibtal:** (*tungchibt`al*)  
tungchibtal ta er a bedengel a  
tungch.
- tungd:** (*t`ungd*)  
tungd a mekedorem el melungd;  
tengdel a ngikel.
- tungdii:** (*tungd`ii*)  
tungdii a melungd er ngii.
- tungelel:** (*tungel`el*)  
tungelel a tuangel er ngii;  
sisebellel.
- tungetngii:** (*tungetng`ii*)  
tungetngii a melngot er ngii.
- tungl:** (*t`ungl*)  
tungl a chedaol el olsechall; blil a  
chelid er a Belau.





## tungot

### **tungot:** (*tung`ot*)

tungot a melngot; osiik a kall.

### **tuobed:** (*tu`obed*)

tuobed a mo er a ikrel; merael el mo cheroid; tebedel.

### **tuom:** (*tu`om*)

tuom a metom; orebet, mla tuom a klalo; tomir a mesei, tuom a chutem; temeel er a chutem.

### **tuong:** (*tu`ong*)

tuong a chemei, tong, ungil omengelel a ungil el tuong.

### **turang:** (*tur`ang*) (1)

turang a ta er a bedengel a lius; klebokel el ririamel a rdechel.

### **Turang:** (*tur`ang*) (2)

Turang a ourrot er a Ngesechei el ulechotii a cheroll.

### **turangelbang:** (*turangelb`ang*)

turangelbang a ta er a bedengel a bang el ngikel.

### **turech:** (*t`urech*) (1)

turech a bau; beterturech; bul a chemochem.

### **turech:** (*t`urech*) (2)

turech a omerreturech; terechel a ouach er a ulaol; merurech, merreturech.

### **turek:** (*t`urek*)

turek a olturek, olengit er a kengei; oterekel.

### **turekerkel:** (*turkerk`el*)

turekerkel a turekorek; olterkorek a omerolel.

### **turekorek:** (*turek`orek*)

turekorek a chebirukel; diak el melemalt; olterekorek a omerolel; turekerkel.

### **turekum:** (*turek`um*)

turekum a klekool; turrekum a mengisemsum a cheldingel; "turekum turekum el di mellasech"

### **turengur:** (*tureng`ur*)

turengur a melungl er ngii; tmungl a ungil el bau; melungl er a bechochod; tunglii a bul; tenglel a bau.

### **turturek:** (*tut`urek*)

turturek a chelellakl; kedung el chad.

### **turturkmedeomel:** (*turturkmede`omel*)

turturkmedeomel a chelellakl e lmuk e di remuul a meklou el delengerenger.

### **tut:** (*t`ut*)

tut a klekedellel a chelechad; tut a kelir a retolechoi; otutur a ngalek; tul.

### **tutau:** (*tut`au*) (1)

tutau a ngesechel a sils el mo sueleb; ungil tutau; tutungang.

### **tutau:** (*tut`au*) (2)

tutau a suebek el charem el melekoi a le mouais.

### **tutel:** (*tut`el*)

tutel a taut er ngii; beketaut er a burech; tutel er a brechel a ngikel.

### **tutk:** (*t`utk*) (1)

tutk a kaiu el melutk; oltkel.

### **tutk:** (*t`utk*) (2)

tutk a rakd el duubech a cheroel a ouach; tetkel a ochil.

### **tutkii:** (*tutk`ii*)

tutkii a melutk er ngii.

### **tutungabek:** (*tutung`abek*) (1)

tutun a bek el charm el ko er a maidui.

### **tutungabek:** (*tutung`abek*) (2)

tutungabek a secherel a buld; mengebengabek e meringel.

### **tutungel:** (*tutung`el*)

tutungel a tutuu er ngii.

### **tutur:** (*tut`ur*)

tutur a tmut er ngii el tut.

### **tutuu:** (*tut`uu*)

tutuu a bliil a klalo me a kall; tutungel.

### **tuu:** (*t`uu*) (1)

tuu a kmod; dellomel el kall a rdechel.


### **tuu:** (*t`uu*) (2)

tuu a chesiuch el cheled.

### **tuub:** (*t`uub*)

tuub a melub; mla tuub a dellomel.





**ua: (u`a)**

ua a ko er a; ua medal a demal;  
chad er a Belau e ua bedengel a  
chad er a ngebard.

**uadam: (uad`am)**

uadam a chuodel el sechal el  
bechiil er a blai; "ke bechil ku  
desik me ke uadam".

**uades: (u`ades)**

uades a mla beluu, uades el  
chutem a meketeketa el ngar er  
ngii; uades el beluu a chuodel el  
beluu.

**uadil: (ua`dil)**

uadil a chuodel el dil; mechas.

**uang: (u`ang)**

uang a nger er a okedong; uang  
ngak tiei.

**uaol: (u`aol)**

uaol a klalo me a kall el olechau e  
olengibes; uaol a omaol a ngikel;  
urreeor a uaol er a udoud;  
olel.

**uas: (u`as)**

uas a ouas; olengchelel a klulaul;  
mesulaul a ouas.

**uasai: (uas`ai)**

uasai a klekedall el melobech,  
uasai a melasech; kekerei el  
otilech.

**uasech: (u`asech)**

uasech a osechel a kall; uasech er  
a ngikel, osechel a odoim, osechel  
a klengoes el babii; urrekerk el  
uasech.

**uasechuus: (uasech`uus)**

uasechuus a osechel a ngeliokl el  
mlo medechel.

**uaselengel: (uaseleng`el)**

uaselengel a uasai er ngii.

**uau: (u`au)**

uau a kebelung; kekebelung el  
chad; mesesuau.

**ubeng: (ub`eng)**

ubeng a kudel a ulaol el kerrekar  
er a medal a tuangel; ubeng a  
telkib el kedidai er a ulaol; diak el  
kingall a ubeng.

**ubid: (ub`id)**

ubid a klekedellel a kaeb el mlai  
er a daob.

**uchaet: (uch`aet)**

uchaet a klekedall el omchaet a  
kereel; omak er a chirocher el mo  
er a kereel; uchetel.

**ucharm: (uch`arm)**

ucharm a klekedellel a orrakl er a  
mlai; "menga a ngar a ucharm;" a  
menga merael el kall el  
kelel a udoud.

**uchauch: (uch`auch)**

uchauch a mesekmel a uchul a  
ouach; uchuchel; delul a uchul a  
ouach.

**uchebngall: (uchebng`all)**

uchebnall a kirel el mochub;  
lechengaol a uchub er ngii;  
omechub er a blai.

**uchebngel: (uchebng`el)**

uchebngel a uchub er ngii;  
uchebngel a blai; uchebngel a  
ouach; diak lodengalii a uchebngel  
a ochil a diak ludesuii el chad.

**uchei: (uch`ei)**

uchei a medal; ngar er a medal a  
omerael; ngar uchei er a rurt.

**ucheidel: (uche`idel)**

ucheidel a betok a siuellel; betok a  
lousbech; oba ngalek me a tul e  
ucheidel er a skel a chemachel.





## uchel

### **uchel:** (*uch`el*) (1)

uchel a ongeru el cheldngelel a chim.

### **uchel:** (*uch`el*) (2)

uchel a rechelid; chelid er a Ngerubesang a Uchellechelid.

### **uchelall:** (*uchel`all*)

uchelall a kirel el meuchel; otutall; urreor a uchelall, mechelii a omelam!; muchel, uchelel.

### **Uchelbeluu:** (*uchelbel`uu*)

Uchelbeluu a ngosecha el chelechol er a Oreor.

### **uchelecheball:** (*uchelecheb`all*)

uchelecheball a kirel el mochelucheb; mechelchebii a ngeliokl; melekedek, omechelucheb, chelechebel.

### **uchelel:** (*uchel`el*)

uchelel a uchul er ngii; ulemechell; uchelel a rael, uchelel a urreor.

### **uchelir:** (*uchel`ir*)

uchelir a kotir; kmal mera el belulir; uchelir a rechad er a Belau a di kakerous.

### **uchelkebesadel:** (*uchelkebes`adel*)

uchelkebesadel a bleob el chad e ouesebek; chad e charm, mengai er a cheldechoduch el chelid.

### **Ucherbelau:** (*ucherbela`au*)

Ucherbelau a kebekuul; dial a bdelul a beluu er a Ngeaur.

### **uchetall:** (*uchet`all*)

uchetall a kirel el mochaet; loia uchaet er ngii; mchetii a kereel; mechaet a chetakl, uchetel.

### **uchetel:** (*uchet`el*)

uchetel a uchaet er ngii; uchetel a kerelel.

### **uchetemel:** (*uchetem`el*)

uchetemel a uchutem er ngii; uchetemel a blai; uchetemel a llach.

### **ucheuach:** (*uche`uach*)

ucheuach a chuodel e meklou el merangd; uchach.

### **uchisel:** (*uchis`el*)

uchisel a omchais er ngii; chisel; ouchais.

### **uchouach:** (*uchou`ach*)

uchouach a kmal chuodel e meklou brak; duchouach el brak.

### **uchub:** (*uch`ub*)

uchub a bebul a chado er a blai me a bai; uchebngel a blai.

### **uchuchel:** (*uchuch`el*)

uchuchel a uchauch er ngii.

### **uchul:** (*uch`ul*)

uchul a uchelel; uchul a kerrekar omuchel a klakoad; uchul a eanged, uchul a lius, uchul a secher a terrekakl.

### **uchutem:** (*uch`utem*)

uchutem a mesisiich el klalo el klisichel a klalo me a tekoi; uchutem er a blai; uchutemel a llach; uchutem er a bai.

### **udach:** (*ud`ach*)

udach a klalo me a tekoi el omdach; chelebed a mdechur a chad; rullii el mo smecher; meknngit el omelekoi a omdach a reng.

### **udai:** (*ud`ai*)

udai a klekedall el mengurs, omdai; ekil, bombatel a udai; omdai a ngikel me a klalo, udeul a ngikel.

### **udall:** (*ud`all*) (1)

udall a klou a uuid er ngii; meduu a udall el kerrekar.

### **udall:** (*ud`all*) (2)

udall a kirel el obuid, meuid; mo er ngii a uuid; babier a udall; mudii a babier; muid, udel

### **udechemall:** (*udechem`all*)

udechemall a kirel el mudechem; kirel el motoir el moreked; mdechেমii a malk; mdechেম a babii, udechemel.

### **udechul:** (*udech`ul*)

udechul a udach er ngii; omdach er ngii; uchul a udechul a chad a meringel el chelebed.



- udedmall: (udedm`all)**  
udedmall a kirel el mudidm;  
berrotel e mes; mdedmii a  
merechorech, mdidm a omerotel er  
a klalo, udedmel.
- udedmel: (udedm`el)**  
udedmel a udidm er ngii;  
omdidm.
- udel: (ud`el)**  
udel a uuid er ngii; udel a meduu;  
udel a babier.
- udelemall: (udelem`all)**  
udelemall a kirel el mudalem;  
kirel el muklemalt; mo melemalt el  
bedul ngii; omdalem er a beroel;  
mdelemii a biskang, udelemel.
- udelemel: (udelem`el)**  
udelemel a udalem er ngii;  
omdalem.
- uderengall: (udereng`all)**  
uderengall a kirel el mudor; kirel  
metenget er a chull me a sils;  
mderengii a diak a blil, omdor,  
uderengel.
- uderengel: (udereng`el)**  
uderengel a udor er ngii;  
omderengel; tengetengel er a  
chull me a sils; omdor.
- udesel: (udes`el) (1)**  
udesel a uudes er ngii; udesel a  
tolechoi.
- udesel: (udes`el) (2)**  
udesel a belngel; udesel a rael.
- udesuall: (udesu`all)**  
udesuall a kirel el mudasu; mesiik  
a rolel el mo ungil; mdesuui a  
smecher; mdasu, smecher a  
udesuall a ukeruul er ngii.
- udeudel: (ude`udel)**  
uduudel a kirel el mudoud;  
rengelikel a mlad a udeudel;  
uduudel.
- udeuid: (ud`euid)**  
udeuid a ta er a bedengel a kerrekar.
- udeul: (ude`ul)**  
udeul a udai er ngii, omdai;  
udeul a chetakl.
- udibech: (ud`ibech)**  
udibech a belsibs er a mlai el  
sisebellel a ulai; mlai er a  
daob.
- udidall: (udid`all) (1)**  
udidall a kirel el mudid; loia did  
er ngii; omdid er a toachelmid;  
mdidar, omoachel a udidal a  
delebechel er a didall.
- udidall: (udid`all) (2)**  
udidall a kirel mudid; omuchel er  
ngii; mechelii a tet; omdid er a tet;  
chedecholl a udidall; udidal.
- udidil: (udid`il)**  
udidil a udid er ngii; omdid  
er a toachelmid.
- udil: (ud`il)**  
udil a uuid er ngii; di ngii el  
ruebet; iedel a ouid, udil a  
iedel.
- udimall: (udim`all)**  
udimall a kirel el mudoim; locha  
odoim; mdimii a telochel; mdoim a  
kles, odimel, udimel.
- udimel: (udim`el)**  
udimel a omdoim er ngii;  
msa odimel.
- udiuul: (udi`uul)**  
udiuul a kirel el mudai; mengurs  
er ngii el oba udai; omdai er ngii;  
telemall el ert a udiuul.
- udong: (ud`ong) (rrodel)**  
udong a kall er a ngobard.
- udor: (ud`or)**  
udor a uderengel; diak longebou  
er a chull; omdor a klalo udor  
er a sils; udor er a kall.
- udoud: (ud`oud)**  
udoud a klalo el usbechall er a  
klaiuechar; udoud a omechar a kar;  
udoud er a Belau; bekerrekerongel  
a merau; udoud a kedmekill el  
omech a bkaischemrungel;  
uduudel.
- udoudungelel: (udoudungel`el)**  
udoudungelel a ta er a bedengel  
a ngikel.



## ududall

### ududall: (*udud`all*)

ududall a udeudel; kirel mudoud;  
ngelekel a mlad a ududall; ourreor  
a ududall.

### ududel: (*udud`el*)

ududel a udoud el ngii a oudoud.

### uek: (*u`ek*)

uek a ta er a bedengel a suebek el  
charm el menga chemadech el  
kukau.; chedelekelek e cherou a  
btil.

### uel: (*u`el*)

uel a ta er a bedengel a charm er a  
daob; a chelibel uel a mo toluk.

### ues: (*u`es*) (1)

ues a odingel; kedung e kerekikl a  
meses el omes a rechad; ues el  
kemeldiil a kall el mo omes er a  
remengeung.

### ues: (*u`es*)

ues a urrereel a mad; omes a  
medal e mo medengei; ues er a  
babier a omenguii; miko a diak le  
ues a ngerang.

### uesall: (*ues`all*)

uesall a uokl, kirel el meuus; mo  
omuus; melekoi me ng meruul;  
kles a uesall er a beluu, muus  
a bail; uesal a blai.

### uesel: (*u`esel*)

uesel a uus er ngii; uesal a kles;  
uesall, muus; omuus er a blai.

### uetech: (*u`etech*)

uetech a klekedall el ometech;  
uetech el bad, uetech a diak el kirel  
el mo er a blai, otechel.

### uid: (*u`id*)

uid a olbidel el kmard a le  
milkolk; mekerdii a uuid; mekard  
a olbidel.

### uid: (*u`id*) (1)

uid a rodech el di ngii el ruebet;  
mesaik a di meruu a uid el meduu;  
meduu a ouid; udil a keam.

### uid: (*u`id*) (2)

uid a ochur el (7), oim; malong,  
uid.

### uiderabekai: (*uiderabek`ai*)

uiderabekai a ta er a bedengel a  
kerrekar.

### uii: (*u`ii*)

uii a ta er a bedengel a ngikel.

### uilt: (*u`ilt*)

uilt a ta er a bedengel a ngikel;  
kemedukl.

### uingel: (*u`ingel*)

uingel a klekedellel a ngor el  
meringet; ungelel.

### uisek: (*u`isek*)

uisek a medu el kirel a metemall;  
medung el kirel a chous;  
uisekeang, a bdelul a beluu a  
medei!

### uisekeang: (*uiseke`ang*)

uisekeang a uisek; Uisekeang, tia  
klou el chous er a beluu.

### ukaeb: (*uk`aeb*)

ukaeb a medecherecher el ulk er a  
chemang, kmai me a rekung;  
ukaeb er a uel a mo toluk.

### ukai: (*uk`ai*)

ukai a tekingel a kibetiekl; ukai e  
sechelei! ng miting e diak a chad!

### ukall: (*uk`all*)

ukall a ta er a bedengel a meklou  
el kerrekar.

### ukar: (*uk`ar*)

ukar a bluoi el kerrekar el  
oldubech er a balech;  
ukerul.

### ukbechesall: (*ukbeches`all*)

ukbechesall a ukbechesuul; kirel  
mukbeches; mekbechesur a  
mechut el skuul; mekbeches a  
llach, ukbechesul.

### ukbechesul: (*ukbeches`ul*)

ukbechesul a ulekbeches er ngii;  
omekbeches.

### ukbechil: (*ukbech`il*)

ukbechil a rullii el mo bechiil;  
omekbuch er ngii.

### ukberedel: (*ukbered`el*)

ukberedel a rullii el mo oberoed;  
mekberedii a telechellel.



**ukberemel: (ukberem`el)**

ukberemel a meruul el mo beraom;  
ukberemel a mesekuuk.

**ukbetengall: (ukbeteng`all)**

ukbetengall a kirel el mukbeot;  
remuul el mo beot, mekbetengii a  
urreor, mekbeot a char,  
ukbetengel.

**ukbetengel: (ukbeteng`el)**

ukbetengel a ulekbeot er ngii;  
rullii el mo beot; omekbeot.

**ukbetil: (ukbet`il)**

ukbetil a ulekbat er ngii; omdidm  
er ngii; omekbat er a merechorech  
a udoud er a stoang; ukbetil a  
olterau a ice.

**ukdekdall: (ukdekd`all)**

ukdekdall a kirel el mukdakd;  
omekdakd er a rengeasek er a  
kelebsengel a ice ; mekdekdi a  
ngalek er a rretel a mlai, ukdekdal  
er a kokok.

**ukdekdal: (ukdekd`el)**

ukdekdal a ulekda d er ngii;  
omekda d.

**ukdelechall: (ukdelech`all)**

ukdelechall kirel el mo dmolech;  
mekdelechii a ralm er a beras;  
omekdolech er a lmel a kukau.

**ukdelechel: (ukdelech`el)**

ukdelechel a omekdolech er ngii;  
rullii el mo dmolech.

**ukdengchekill: (ukdengchek`ill)**

ukdengchekill a kirel el  
mukedengchokl; mo dengchokl;  
mekedengcheklii,  
omekedengchokl er ngii.

**ukdengcheklel: (ukdengchekl`el)**

ukdengcheklel a okedengchokl er  
ngii; rullii el mo dengchokl;  
mekingerir; mo kiei.

**ukdengesall: (ukdenges`all)**

ukdengesall a kirel el mukdinges;  
mekelii el mo medinges; mo diak  
el sengerenger; mekdengesii,  
omekdinges er ngii;  
ulekdengesel.

**ukdengesel: (ukdenges`el)**

ukdengesel a ulekdinges er ngii;  
uleka el medinges.

**ukderebereball: (ukdereber`all)**

ukderebereball a kirel  
mukderboreb; mekderbererii a  
chad er a blai e msa ngerachel;  
mekdereboreb a ochil;  
ukderberebel; reberebel.

**ukdereberebel: (ukdereber`el)**

ukdereberebel a ulekderboreb er  
ngii; mekderbererii.

**ukdertall: (ukdert`all)**

ukdertall a kirel el mukdirt; mo  
diak el dekimes; mekdertii,  
mekdirt a bail, ukdertel a bail.

**ukdertel: (ukdert`el)**

ukdertel a ulek dert er ngii; omek dert.

**ukebel: (ukeb`el)**

ukebel a ukaeb er ngii.

**ukechebsall: (ukechebs`all)**

ukechebsall a kirel el mukechubs;  
omkechubs er a kltkat;  
mekechebsii; mekechubs a  
deledes; ukechebsel.

**ukechebsel: (ukechebs`el)**

ukechebsel a ulekechubs er ngii;  
omkechubs.

**uked: (`uked)**

uked a klekedall el usbechel a  
omuked; uked er a ngikel,  
mkedii, muked, ukedel a tolochoi  
a olechiis a rekas.

**ukedall: (uked`all)**

ukedall a kirel el meuked; muked  
a delebechel el meas; mekebud a  
ukedall; ukedel.

**ukedbechall: (ukedbech`all)**

ukedbechall a kirel el mukdubech;  
kirel el morengii; mekedbechii a  
ngalek; mekdubech a urreor el  
kirir a rengeasek; omekdubech a  
ungil el skuul; ukedbechel a  
kerruul.

**ukedbechel: (ukedbech`el)**

ukedbechel a omekdubech;  
meruul.





ukedel

**ukedel:** (*uked`el*)

ukedel a uked el ngii a ouuked er ngii.

**ukedel:** (*uked`el*)

ukedel a uuked el ngii a ouuked er ngii.

**ukedengcheklel:** (*ukedengchekl`el*)

ukedengcheklel a okedengchokl er ngii; mekedengcheklii er a blai; rullii el dengchokl.

**ukellelachedib:** (*ukellelached`ib*)

ukellelachedib a emull.

**ukerael:** (*uker`ael*)

ukerael a kall er a kemeldiil el chellungel er a redil er a blai; merous a ukerael er a kemeldiil; omkerael a kall el mo er a redil; ukerolel.

**ukerolel:** (*uker`olel*)

ukerolel a ukerael er ngii.

**ukerrengelel:** (*ukerrenge`el*)

ukerrengelel a omekrur er ngii; rullii el mo merur; rullii el mo chebechobel.

**ukerul:** (*uker`ul*)

ukerul a ukar er ngii.

**ukeruul:** (*uker`uul*)

ukeruul a kirel el mukar; omkar; osbitar a blii a ukeruul el omkar a secher; toktang a omkar a secher.

**ukiil:** (*uk`iil*)

ukiil a ulekiai er ngii; omekiai el diak longa babii; oudelasech a rrom me a decool.

**ukil:** (*uk`il*)

ukil a uuk er ngii.

**uklemeltall:** (*uklemelt`all*)

uklemeltall a kirel el muklemalt; remuul el mo melemalt, tometii a uldesuel; tuamet a cheldechoduch el mo er a llemeltel, uklemeltel.

**uklemeltel:** (*uklemelt`el*)

uklemeltel a uleklemalt er ngii; omeklemalt.

**ukllemesall:** (*ukllemes`all*)

ukllemesall a kirel el mukllomes; omekllomes; ochotii a ungil el rael; mekllemesii a milkolk a rengul; meklomes a real, uklemesel.

**ukllemesel:** (*ukllemes`el*)

ukllemesel a ulekllomes er ngii; omekllomes.

**ukllomes:** (*ukll`omes*)

ukllomes a omekllomes.

**uklsechall:** (*uklsech`all*)

uklsechall a kirel el muklusech; omeklusech er ngii; meklsechii; mo ungil besul; mo melusech; uklsechel.

**uklsechel:** (*uklsech`el*)

uklsechel a ulekklusech er ngii; omekklusech.

**ukltkall:** (*ukltk`all*)

ukltkall a kirel el muklatk; omeklatk me lak lobes a klumech; mekltkii me lolim a kar, ukltkel.

**ukltkel:** (*ukltk`el*)

ukltkel a uleklatk er ngii; omeklatk.

**ukmedal:** (*ukmed`al*)

ukmedal a ulekmad er ngii; omekmad a beldoel el udoud.

**ukmedall:** (*uknmed`all*)

ukmedall a medal a bled el udoud me a lechub e ng klalo; techill a bled.

**ukmedaol:** (*ukmed`aol*)

ukmedaol a kirel el melecha techil; kirel el mukmad; omekmad a bled el udoud; ukmedal.

**ukmedil:** (*ukmed`il*)

ukmedil a ulekmad er ngii; omekmad.

**ukmerekel:** (*ukmerek`el*)

ukmerekel a ulekmarek er ngii; omekmarek a tuu.

**ukngiokl:** (*ukngi`okl*)

ukngiokl a ukngisall.

**ukngisall:** (*ukngis`all*)


ukngisall a kirel mukngiis; ukngiokl, mekngiis a selokel; mekngisii a bail, ukngisel.

**ukngisel:** (*ukngis`el*)

ukngisel a ulekngiis er ngii; mekngisii; omekngiis.





**ukngosel: (ukngos`el)**

ukngosel a ulekngaos er ngii;  
omekngaos er a oililaol; locha  
ngaos er a chutem.

**ukremekall: (ukremek`all)**

ukremekall a kirel el morengii a  
ramek; omekramek er a mesei;  
mekremekii a sers; ukremekel.

**ukremekel: (ukremek`el)**

ukremekel a ulekramek er ngii;  
omekramek.

**ukremekill: (ukremek`ill)**

ukremekill a ukremekall.

**ukrengel: (ukrengel`el)**

ukrengel a ulekringel er ngii;  
rullii el mo meringelchuarem;  
omekringel er ngii.

**uksecherall: (uksecher`all)**

uksecherall a kirel el muksecher;  
meksecherii; diak el uksecherall a  
chad me a charem le ng mekull.

**uksoangel: (ukso`angel)**

uksoangel a kirel el muksau;  
omeksau er ngii; meruul er ngii el  
mo smau, mo soal; omeksau,  
meksongii ngalek; ngalek a  
uksoangel er a urreor; uksongel.

**uksongel: (uksong`el)**

uksongel a uleksau er ngii;  
omeksau.

**ulach: (ul`ach) (1)**

ulach a chimal a lius el bereked er  
ngii a llel; ulach er a lius;  
ulechal.

**ulach: (ul`aoch) (2)**

ulach a ta er a bedengel a ngikel.

**ulai: (ul`ai)**

ulai a klekedellel a soaes er a mlai  
er a daob.

**ulak: (ul`ak)**

ulak a urrebet a okul; diak lorael;  
bilas a ulak me ng diak lobeckakl;  
llechotel; okul.

**ulalek: (ul`alek)**

ulalek a such el mla moalek;  
blurek el such; mla mengodech a  
bedengel; omalek a such, ulekel.

**ulaoch: (ul`aoch)**

ulaoch a melekoi a ngar er a  
medad el tekoi; chad el omlaoch a  
kmo: a merserach el kodall a mo  
er ngii, mlochii, mlaoch,  
ulochel.

**ulaol: (ul`aol)**

ulaol a klekedellel a blai el  
dengchekill; dengchokl er a ulaol;  
ulolel a blik a bambuu.

**ulat: (ul`at)**

ulat a loiang; olekang a ulat er a  
ingukl; ulat a btil a ungil el  
dengchokl; otil a olekang.

**uldai: (uld`ai)**

uldai a mla mudai; mla mekurs er  
a udai, mla motamet; bilas a mla  
mudai el mei er a cheldukl; udiil.

**uldak: (uld`ak)**

uldak a diak le kakerous; udoud a  
dmak; uldak er a chimo el idib;  
odak, odekial.

**uldalem: (uld`alem)**

uldalem a mla mudalem; melemalt  
el bedul ngii; biskang a uldalem el  
kirel a uel; omdalem er ngii.

**uldanges: (uld`anges)**

uldanges a mla modanges; kedung  
a uldanges er a buai; ngmai a  
odanges me a chetengakl;  
odengesel.

**uldaob: (uld`aob)**

uldaob a mla mo er ngii a daob;  
ulsar; mdebii a klengoes, mdaob,  
udebel a klengoes

**uldaoch: (uld`aoch)**

uldaoch a mla mudaoch; mengai,  
iedel a uldaoch; medochii;  
medaoch, bedochel.


**uldars: (uld`ars) (1)**

uldars a kall el modars el mo er a  
chelid; kekel a deleb a  
uldars; uldersel.

**uldars: (uld`ars) (2)**

uldars a mla modars; oba chimal  
el mo er a bab; odersii a chimal,  
odars a udoud, odersel.





## uldasu

### **uldasu:** (*uld`asu*)

uldasu a omdasu, omelebedebek;  
urrereel a rael a ngar a uldasu;  
udesuel a beches el skuul.

### **uldebedob:** (*uldebed`ob*)

uldebedob a betok a uldob er ngii;  
betok a delluchel er ngii; diak el  
melemalt; diak el tabesul.

### **uldebodeb:** (*uldeb`odeb*)

uldebodeb a ngar eou; odebedebii  
el mo er eou; ngar er a urebetellel;  
odebodeb a klalo er a chelsel a  
mlai; odebedebel.

### **uldechelakl:** (*uldechel`akl*)

uldechelakl a mla modechelakl;  
chellebed a bedengel; odecheleklii,  
odecheleklel.

### **uldechem:** (*uld`echem*)

uldechem a mla mudechem;  
mdechemii, orekedii, chemiis e tir  
a mdechemii; olterau a mariuana a  
uldechem; udechemel.

### **uldechemechem:** (*uldechem`echem*)

uldechemechem a uldechem;  
uldechomel.

### **uldechul:** (*uldech`ul*)

uldechul a uldach er a meringel el  
urreor; uldechulel a urreor.

### **uldechulel:** (*uldech`ulel*)

uldechulel a uldechuul er ngii.

### **uldechuul:** (*uldech`uul*)

uldechuul a telemall a bedengel;  
uldechuul er a klakoad, mlotilech  
a uldechuul, oberoal el urreor a  
mla mdechur; uchul a secherel a  
uldechuul er a klakoad.

### **uldedebedob:** (*uldedebed`ob*)

uldedebedob a betok el uldob;  
urreberegat a dertedebechel er a  
delongelel; rael a uldedebedob;  
diak el melemalt.

### **uldedebodeb:** (*uldedeb`odeb*)

uldedebodeb a telkib el  
uldebodeb.

### **uldedechuul:** (*uldedech`uul*)

uldedechuul a telkib el  
uldechuul.

### **uldedekedek:** (*uldedek`edek*)

uldedekedek a telkib el  
uldekedek; telkib el ulsarech.

### **uldedelid:** (*uldedel`id*)

uldedelid a uldelid; mla merael a  
betok el chim; mesei a uldedelid e  
merael a klaiueribech er ngii.

### **uldedellomel:** (*uldedell`omel*)

uldedellomel a telkib el  
uldellomel; telkib el ultebechel.

### **uldekdak:** (*uldekd`ak*)

uldekdak a betok el uldak;  
odekiar, odekdak a derengel a kall.

### **uldekedek:** (*uldek`edek*)

uldekedek a mla modekedek;  
ulsarech, oserechii; ngmasech er  
ngii; uldekedek e oubekeu er ngii.

### **uldekedekii:** (*uldekedek`ii*)

uldekedekii a mla odekedekii;  
oserechii e ngmasech er ngii;  
oldekedek er ngii; odekedekel.

### **uldekial:** (*uldeki`al*)

uldekial a cherrengelel; uldekial a  
udoud er a ocheraol a \$40,000.00.

### **uldelid:** (*uldel`id*)

uldelid a mla modelid; ngar er a ta  
el mo er a tang; chutem a uldelid el  
ngar er a diak louchutem er ngii.

### **uldellomel:** (*uldell`omel*)

uldellomel a kldmokl a rengul;  
ultebechel a rengul, kekerei e  
uldellomel a rengul.

### **uldengelengel:** (*uldengel`engel*)

uldengelengel a urrebet er a  
eou; mla modengelengel;  
odengelengelel a mlai.

### **uldengelengeli:** (*uldengelengel`ii*)

uldengelengeli a uldengelengel  
er ngii; ulrebetii.


### **uldermerem:** (*ulderm`erem*)

uldermerem a mla  
moderemerem; ulsarech el ultuu  
er a daob; ert a uldermerem er a  
daob; odermeremel.

### **uldermermii:** (*uldermerm`ii*)

uldermermii a uldermerem er  
ngii; ulserechii el osisebii.





**uldersel:** (*ulders`el*)  
uldersel a uldars er ngii; oldars.

**uldesuel:** (*uldesu`el*)  
uldesuel a uldasu er ngii el chad;  
mdesuui, omdasu.

**uldeu:** (*uld`eu*)  
uldeu a mla mo ungil a rengul;  
mla modeu a rengul, deulreng.

**uldid:** (*uld`id*)  
uldid a mla mudid; ngar er ngii a  
did er ngii el omoachel; didil.

**uldidellel:** (*uldidell`el*)  
uldidellel a did el ngii ulemdid  
er ngii.

**uldiderekl:** (*uldider`ekl*)  
uldiderekl a mla modiderekl; mla  
mongasech er a bilas; klalo a  
ulengasech; ultak er a mlai.

**uldidiuls:** (*uldidi`uls*)  
uldidiuls a telkib el uldiuls.

**uldidm:** (*uld`idm*)  
uldidm a mla mudidm; mla  
moues; rrechorech el udoud a  
uldidm; mdedmii; mdidm;  
udedmel.

**uldik:** (*uld`ik*)  
uldik a ultobed; mla modik; mla  
motobed, odikii er a blai;  
mla dmik; odikel.

**uldikel:** (*uld`ikel*) (1)  
uldikel a ouedikel; mengidebtib;  
mengitengtik; uldikel er a rengalek  
cholehotel a bedengir el  
mesisiich

**uldikel:** (*uld`ikel*) (2)  
uldikel a rraureng me a ultok;  
uldkelel a beluu; beluu a ouedikel  
el rrau a rengrir er a ngesecheklel  
a taks.

**uldimukl:** (*uldim`ukl*)  
uldimukl a uldekdak; delengchokl  
er a Belau a uldimukl a rechad er a  
kmal betok el beluu.

**uldingel:** (*uld`ingel*)  
uldingel a mla modingel; ules,  
mla moues; smecher a uldingel;  
odngelii a smecher; odngelel.

**uldioll:** (*uldi`oll*)  
uldioll a uldak; kukau a uldioll er  
a dait; diak el cheleseb.

**uldirekorek:** (*uldirek`orek*)  
uldirekorek a diak a  
delebedebelel; kmal betok, medeel  
a kall; kesai a rechad e a kall  
uldirekorek; uldirekorek a kall e  
kesai a belduchel; odirkerekel a  
kall.

**uldiu:** (*uld`iu*)  
uldiu a mla modiu; melekoi el  
klou ngerel; olecholt a ildisel a  
belduchel; beldechelel a uldiu;  
odiul.

**uldiuls:** (*uldi`uls*)  
uldiuls a mla modiuuls; berrotel er  
a delul a kerrekar, ngar er a delul  
a betok el klalo; osib a uldiuls er a  
tkul a sers; odilsel.

**uldkelel:** (*uldk`elel*)  
uldkelel a uldikel er ngii; uldikel  
er a urreor a ses, meses; odikel el  
ngalek a mesisiich a bedengel.

**uldmedum:** (*ulmed`um*)  
uldmedum a telkib el uldum.

**uldob:** (*uld`ob*)  
uldob a mla modob; ulrebet er a  
delongelel; oles a uldob er a  
chemrungel; odebengii, odebengel.

**uldoim:** (*uld`oim*)  
uldoim a ngar er ngii a odimel;  
uldoim a telochel, kles a uldoim;  
mdimii, mdoim, udimel.

**uldois:** (*uld`ois*)  
uldois a mla mudois; mla morngii  
a dechelel; remechitechut a obdois  
a blingelir er a kall; udisel a kelir.

**uldongelel:** (*uldongel`el*)  
uldongelel a klekedall er a bedul  
er a chad; ngar er a olechellel a  
bdelul; uldongelel a tolechoi a  
medemedemek.

**uldor:** (*uld`or*)  
uldor a mla mudor; ngar er ngii a  
blii; telenget er a chull me a sils;  
mderengii, uderengel.





## uldoseb

### **uldoseb: (*uld`oseb*)**

uldoseb a mla modoseb; diak le charm a bedengel me a rengul; uldoseb e le chedam me a chedil a ulurreor el kirir; mla suobel; mla imiit er ringel; odesebel.

### **uldoud: (*uld`oud*)**

uldoud a mla mudoud; uldoud er a demal; mla ngmai a ududel; mdudii; mildudii; ududel.

### **uldubech: (*uld`ubech*)**

uldubech a mla modubech; ulsesei, uldubech el mo er a uchei; mlai a uldubech, odbechii, odubech, odbechel.

### **ulduduum: (*uldud`uum*)**

ulduduum a telkib e betok a ulduum er ngii.

### **ulduleb: (*uld`uleb*)**

ulduleb a mla moduleb; ngar er a chesel a daob, ngalek a ulduleb er a ralm, odelebii, odelebel.

### **uldum: (*uld`um*)**

uldum a mla modum; ulecholt, ngalek a uldum a bdelul er a daob; mla tmoech; odmii, odum, sils a uldum; odmil.

### **uldurech: (*uld`urech*)**

uldurech a mla modurech; ullab a tekoi el mong; Calista a uldurech; oderechii; odurech, oderechel.

### **uldureklel: (*uld`ureklel*)**

uldureklel a uldurokl el ngii a ululdurokl.

### **uldurokl: (*uldu`rokl*)**

uldurokl a klalo el mla er a chad el mo er a ta er a chad; oldurokl a udoud, odureklii a babier, uldureklel.

### **ulduum: (*uld`uum*)**

ulduum a blet, ulet; mlik a mla moduum; odumii a olekang, oduum; olduum; odumel a olekang.

### **uleached: (*ule`ached*)**

uleached a mla moeached; okiu a uchei er ngii; ulerreched el melai; mlengaidesachel; oleached er a dolech, oechedii; ochedel a dolech.

### **ulebeng: (*uleb`eng*)**

ulebeng a mla obeng; ouchel er a renguk e medekdang; a renguk a kdu lak molai a ice e ke rongesak e a lechub e ke melekoi a chelebedek; a kulebengeang.

### **ulebengeang: (*ulebenge`ang*)**

ulebengeang a mla obeng; renguk a omerellek a mle ungil e a lechub e ng mla ngmasech a rengum; a kulebengea el kmo a bilem a bellutel.

### **ulech: (*ulech*) (1)**

ulech a oseldel a ouach; ulech er a ulaol; ulechel.

### **ulech: (*ulech*) (2)**

ulech a redil el mudechem er a mekemad; mengai el mo er a cheraro; uulech a bliil a a rsechal.

### **ulech: (*ulech*) (3)**

ulech a blech; mla mouech; odak erung el mo tang; mechir el mo kemanget; rael a ulech el mo er a Melekeok.

### **ulechadu: (*ulech`adu*)**

ulechadu a mla mochadu; delebes er a ochadu, mecheduii, mechadu a mamed, ocheduel a bail.

### **ulechaet: (*ulech`aet*)**

ulechaet a mla muchaet; ngar ngii a uchetel; mchetii a kereel, mchaet a chetakl; uchetel.

### **ulechais: (*ulech`ais*)**

ulechais a mla muchais; mchisii a urrelel a rael; uchisel.

### **ulechal: (*ulech`al*)**

ulechal a ulach er ngii el lius.

### **ulechar: (*ulech`ar*) (1)**

ulechar a mla mochar; chutem a ulechar; mla mecherar, mechar, cheral, ocheral.

### **ulechar: (*ulech`ar*) (2)**

ulechar a mla mochar; ulekeek; ollumel a ulechar er a ralm; mecherur a butiliang.



**ulecharo: (ulech`aro)**

ulecharo a ta er a ominglel a mesei; ulechereuel a mesei.

**ulechas: (ulech`as)**

ulechas a mla mochas; llechukl, blai a ulechas me di ioll a urrereel; uchesengel;

**ulechau: (ulech`au)**

ulechau a mla mochau; mla olechau er ngii; ulekedong, bilas a ulechau me ng meremang.

**ulechebechib: (ulechebech`ib)**

ulechebechib a betok el ulechib; diak le melemalt; medal a olecholech a ulechebechib.

**ulechedecher: (ulechedech`er)**

ulechedecher a ta er a bedengel a cheleuikl; ulechedecher el oruikl.

**ulechederiib: (ulecheder`iib)**

ulechederiib a mla mochederiib; ulechoid; mechederibii a blai; mechederiib, ochederibel.

**ulechedulel: (ulechedul`el)**

ulechedulel a ulechadu er ngii; ungil a ulechedulel el bail a beot el merasm.

**ulechel: (ulech`el)**

ulechel a klekedall el omak er ngii; ulechel a kim; ulechel a oruer.

**ulechel: (ulech`el)**

ulechel a diokang a ngar a chelsel a techel a diokang el ko er a besebes; ulechel a kim a omak a teblo el ulekgellel a kim me ng blutek

**ulecheled: (ulechel`ed)**

ulecheled a mla ngmai a cheldil; meltom a ulecheled er a sechelil; mla mucheled, omecheled er ngii.

**ulecheliu: (ulechel`iu)**

ulecheliu a ulekerreu, mla mucheliu; mla mutebechel; kerekikl el mangedmokl er ngii, ulecheliu a chiuesel a beltik el reng; ulecheliu ngar uchei el omengedmokl er a beluu.

**ulechell: (ulech`ell)**

ulechell a melekoi er a chedam; ulechell er a Merikel a ngelekel a sechal er a Merikel; ulechell er a Saibal a ngelekel a sechal er a Saibal; ulechellel.

**ulechellel: (ulechell`el)**

ulechellel a ngelekel ngii el sechal.

**ulechelochel: (ulechel`ochel)**

ulechelochel a mla mochelochel; dimlak lodengellii e duum; ulechelochel me ng mocha omelduchel er a ocheraol.

**ulechelucheb: (ulechel`ucheb)**

ulechelucheb a mla muchelucheb; ngar er ngii a chelechebel; dekedekel.

**ulechem: (ulech`em)**

ulechem a mla mochem; mla mechem a ngikel; odoim a ulechem el ngikel.

**ulecheoch: (ulech`eoch)**

ulecheoch a mla mocheoch; mla mesisiich el ongtir; mla mechechii a klok er ngak; ochechel a klok.

**ulecheracheb: (ulecher`acheb)**

ulecheracheb a oba kisiich el orrouk, omekdakd; mla mucheracheb; mecherechibii a metitur e nguu a chetemel; omecheracheb er a mechitechut.

**ulecherangel: (ulecher`angel)**

ulecherangel a ulechur; mla mengai a ildois; rengalek a ulecherungel; ulecherengelel.

**ulecherengelel: (ulechereng`elel)**

ulecherengelel a ulecherangel

**ulechero: (ulecher`o) (1)**

ulechero el mesei a mla mo diak a kukau er ngii.

**ulechero: (ulecher`o) (2)**

ulechero a mla mochero; bellutel; bail a ulechero; uel a dengarech; uel a ulechero er a chelechol.

**ulecherouel: (ulechero`uel)**

ulecherouel a ulecharo er ngii el mesei.



## ulecherungel

- ulecherungel:** (*ulecher`ungel*)  
ulecherungel a ulecherangel.
- ulechetekl:** (*ulechet`ekl*)  
ulechetekl a mla mochetekl; blai a ulechoid, klalo a ulechetekl; ocheteklel a klalo.
- ulecheuekl:** (*ulecheu`ekl*)  
ulecheuekl a ngar a mocheuekl; meringel el moues; blik a ulecheuekl.
- ulecheueklel:** (*ulecheuekl`el*)  
ulecheueklel a ulecheuekl er ngii el blai.
- ulechib:** (*ulech`ib*)  
ulechib a mla mochib; diak el sbechii er ngii; imiit; biskang a ulechib er a ngikel; ochebir, ochib a mlai.
- ulechibel:** (*ulechib`el*)  
ulechibel a ochibel; kall a ulechiib a dekedekel; blkais a dekedekel.
- ulechidel:** (*ulechid`el*)  
ulechidel a ulechoid er ngii; olechoid.
- ulechiib:** (*ulech`iib*)  
ulechiib a mla mochiib; blkais a dekedek; dekedekel a kall a ulechiib; mechibii, mechiib, ochibel.
- ulechiis:** (*ulech`iis*)  
ulechiis a mla mochiis, chemiis; olechiis er ngii; charm a ulechiis er a ngerel a boes; ochisel.
- ulechis:** (*ulech`is*)  
ulechis a mla mochis; ng bechachau; medirt; mechachau a olekang; ollumel a ulechis; chemis, ochisil.
- ulechit:** (*ulech`it*)  
ulechit a mla mochit; mla ngmanget; ngar er a uriul, ochetir a sechelil; ochit er ngii; ochetil.
- ulechob:** (*ulech`ob*)  
ulechob a mla mochob; mla mengai el me er a bebul a daob; ochebngii a chert, ochebngel.

- ulechoid:** (*ulech`oid*)  
ulechoid a mla mochetekl; mla mochoid; kloleklek a ulechetekl; mla mengodech a le ngar ngii.
- ulecholo:** (*ulech`olo*)  
ulecholo a mla mocholo; mecheleuii, mecholo; nglai a chelouel a maml.
- ulecholt:** (*ulech`olt*)  
ulecholt a mla mocholt; chemolt; ules el diak le berrotel; duch er ngii er a urreor a ulecholt.
- ulechouch:** (*ulech`ouch*) (1)  
ulechouch a delul el lius; omechouch a lius e mengang.
- ulechouch:** (*ulech`ouch*) (2)  
ulechouch a ta er a bedengel a derudm.
- ulechouch:** (*ulech`ouch*) (3)  
ulechouch a ta er a bedengel a kerrekar.
- ulechoud:** (*ulech`oud*)  
ulechoud a mla mochoud; mla mesiik; olab, merau e le demal a ulechoud a kldachelbai el msang.
- ulechubel:** (*ulech`ubel*)  
ulechubel a mla mochubel; mla moitel, ochubel; ralm a ulechubel er a ulaol; ochebelel a ralm.
- ulechucher:** (*ulech`ucher*)  
ulechucher a mla mochucher; mla mengai a ngeiul el ildois; udoud a ulechucher el \$ 30,000; ochecherel.
- ulechulel:** (*ulechul`el*)  
ulechulel a ulechull er ngii el kebui.
- ulechull:** (*ulech`ull*)  
ulechull a uldak e llechotel, llechet; idungel a ulechull; mla mochull; ulechulel.
- ulechur:** (*ulech`ur*)  
ulechur a ulecherungel; mla mochur; nglai a ildisel.
- ulechutem:** (*ulech`utem*) (1)  
ulechutem a mla morengii a chutem; rael a ulechutem el rokir; uchetemel.



**ulei: (ul`ei)**

ulei a kles el lius e chelsureor er a ilaot, sukal; uleld el lius.

**uleiong: (ulei`ong)**

uleiong a mla eulii; mla melaul er ngii; sersel a mekesokes a uleiong er a merechorech; oiengur a sers; oleiong er ngii.

**uleiul: (ulei`ul)**

uleiul a nglai er ngii; uleiul a eolt a telemellel a eolt; nglai er a eolt; uleiul a eolt el beluu a telemall a blil me a rokiu.

**ulekabes: (ulek`abes)**

ulekabes a mekebekabes; ngar er a bab e ultengel a tedebechel; cheteklek a ulekabes er a daob; okebesii a chetakl; okabes akereilir e mengereel; okebesel.

**ulekako: (ulekak`o)**

ulekako a tekoi el rullii a chad el mo kesib a rengul; sebechel el ngellakel; omekako er a sechelil; rengalek a kaiuekako; ulekekouel

**ulekang: (ulek`ang)**

ulekang a mla mokang; mla omengur; smecher a ulekang; mekelii, omekang er tir; okelel.

**ulekar: (ulek`ar)**

ulekar a mla mokar; mla okerengii; cherrodech a mla okisii a mlechiuaiu el ngalek; okerengel a mlechiuaiu el ngalek.

**ulekard: (ulek`ard)**

ulekard a kmard; mla mokard a olbidel; mekerdii a otoel; locha ngau er a ngeliokl; okeredel a uid.

**ulekbat: (ulekb`at)**

ulekbat a meringel el osiik; bulis a omekbat er a olsiseb mekngit el kar er a Belau; ulekbat er a milosii a president; mla mukbat.

**ulekbeches: (ulekbech`es)**

ulekbeches a mle mechut e meruul el mo beches; blimam a mla mukbeches; mla mekbechesur, mla mo diak el mechut; ukbechesul.

**ulekbeot: (ulekbe`ot)**

ulekbeot a rruul el beot; diak el meringel el urreor; urreor a ulekbeot me a rechad a meses a rengrir; ukbetengel.

**ulekbetengel: (ulekbeteng`el)**

ulekbetengel a ulekbeot er ngii; beot.

**ulekbetul: (ulekbet`ul)**

ulekbetul a ulekbut er ngii el boes el lild.

**ulekbuch: (ulekb`uch)**

ulekbuch a mla rullii el bo bechiil; mla mukbuch; babii a ulekbuch; omekbuch er a babii; ukbechil a babii.

**ulekbuk: (ulekb`uk)**

ulekbuk a ungil el uldasu e blechobech; ng ulekbuk a mo cheral a skulel a ngelekek me a cheral a dengki, ralm me a dengua me kelam.

**ulekbut: (ulekb`ut)**

ulekbut a kekerei el biskang el usbechall er a boes el lild; ulekbetul.

**ulekchubs: (ulekch`ubs)**

ulekchubs a mla mukar el mo mechubs; mla mo diak a telemall er ngii; cheltechat a ulekchubs.

**ulekdakd: (ulekd`akd)**

ulekdakd a omekdakd; rullii a chad el mo medakd; "chediul a kokok" a ulkdakd er a ngalek.

**ulekdech: (ulekdech`or)**

ulekdech a mla mo dechor; mla mekedcherur; mla mekedchor a blai; okedcherul a blai.

**ulekdekd: (ulekdekd`el)**

ulekdekd a ulekdakd er ngii.

**ulekdengarech: (ulekdeng`arech)**

ulekdengarech a mle chebecheb e mla mo dengarech; mla mekedengerechii; diak el chebecheb.

**ulekdengchokl: (ulekdengch`okl)**

ulekdengchokl a mla mukdengchokl; mla rullii el mo kie; diak el ulekedurs.



**ulekderberbel**

**ulekderberbel:** (*ulekderberb`el*)  
ukderberbel a ukderboreb er ngii;  
derberebii

**ulekderboreb:** (*ulekderb`oreb*)  
ulekderboreb a rruul el reboreb;  
mekderberbii er a blai el mengkar;  
kiei er a blai; dereberebel.

**ulekdid:** (*ulekd`id*)  
ulekdid a uldid; rruul a rolel; ngar  
ngii a did er ngii.

**ulekdinges:** (*ulekd`inges*)  
ulekdinges a ungil el ulehang;  
chuodel a kldmocl e medinges;  
diak el sengerenger; mla  
mukdinges; ukdngesel.

**ulekdirt:** (*ulekd`irt*)  
ulekdirt a ungil el medirt; mla  
mukdirt; diak el dekimes; ukdertil

**ulekdolech:** (*ulekd`olech*)  
ulekdolech a rruul el dmolech;  
ungil besul a ralm er ngii; ungil a  
delechel a klengoes; ukdelechel.

**ulekdubech:** (*ulekd`ubech*)  
ulekdubech a ngar ngii; di mla  
mukdubech; Belau a ulekdubech  
a skuul er ngii; klaingeseu er a  
ocheraol el blai a ulekdubech er a  
rechuodel el mei.

**ulekdubs:** (*ulekd`ubs*)  
ulekdubs a tekoi er a rechuodel el  
mei; klaiuekang er a Belau  
ulekdubs el teletael; ocheraol el  
blai a ulekdubs er a Belau; siukang.

**ulekdubs:** (*ulekd`ubs*)  
ulekdubs a teletael a mla er a  
uchul e melemolem el ngar ngii;  
ulekdubs er a Belau a kaingeseu el  
omechar a blai; ocheraol a  
ulekdubs er a Belau; siukang.

**ulekeangel:** (*uleke`angel*)  
ulekeangel a diak el delodau; diak  
a omengull er ngii er a rechad;  
melekoi el di mochu er a eanged.

**ulekebekabes:** (*ulekebek`abes*)  
ulekebekabes a mekebekabes;  
ultobed el telkib el cheroid; ochil  
a chad a ulekebekabes er a mlai.

**ulekedelad:** (*ulekedel`ad*)  
ulekedelad a ungil el kldmocl;  
diak el terrekaki; ngalek a ungil el  
ulekedelad a okerulel; mla  
mukedelad.

**ulekedeldal:** (*ulekedeld`al*)  
ulekedeldal a ulekedelad er ngii.

**ulekedmocl:** (*ulekedm`ocl*)  
ulekedmocl a rruul el ungil; mla  
mekedmocl; kldmocl a blai,  
kudmeklii a beluu, mangedmocl  
a rael; kedmeklel.

**ulekedong:** (*uleked`ong*)  
ulekedong a mla mokedong; mla  
oleker er ngii; beluu a ulekedong  
er a cheldechoduch.

**ulekedurs:** (*uleked`urs*)  
ulekedurs a mla mokedurs; mla  
mo mechiuaiu; rengalek a  
ulekedurs er a blai.

**ulekeed:** (*ulek`eed*)  
ulekeed a mla mokeed; mla mo  
kmeed; mlil a omerael a ulekeed  
er a blai.

**ulekeek:** (*ulek`eek*)  
ulekeek a mla mokeek; mla mo  
mui; ollumel a ulekeek er a ralm.

**ulekeek:** (*ulek`eek*)  
ulekeek a mla mokeek; mla mo  
mui; mekekii a ollumel, mekeek a  
olekang, okekel.

**ulekekeangel:** (*ulekeke`angel*)  
ulekekeangel a betok el  
kaokeangel el diak el blechobech;  
kerrekar a ulekekeangel er a rael.

**ulekekeed:** (*ulekek`eed*)  
ulekekeed a mla mokekeed el  
rokui; mla mekedmocl; kall er a  
mechesang a ulekekeed

**ulekekengioll:** (*ulekekeng`ioll*)  
ulekekengioll a betok el  
kaokeangel; chelimeluk,  
berberriid; uleul a eolt el kerrekar  
a ulekekengioll er a blngel a rael.

**ulekekoel:** (*ulekek`oel*)  
ulekekoel a uleako er ngii;  
omekako.

